


OOT QUIH CONTEETXYAT QUIH CÖISCAAQ AC

Jesús Morales

Tiix oahiha



Conteeetxyat quij haaho com iti tiij toc cöquiijiha. Oot timoca mos haaho timoca itaaq toc cömocaha.



Ziix quij cöiifp cah hant iqui xah itoocta oxah itai yoque:
—Hihamiigo ¿az iscasiijimya hisaax cötiiijaha?

Hihamiigo ihpocao xoque —ox itai yoque.



Ox tpactama conteetxyat quij ox tee yoque:

—Mmmm. He ziixo zo casijim xahxaii hiz cohpyijj

—ox tee yoque.


Ox tpactama oot quij oxah itai yoque:

—¿Azj iscacatimayaha? —ox tee yoque.

Ox tpactama conteetxyat quij ox itai yoque:

—Cooza hant ipot coii hisa toiima he taax cquecölihi hiz cohpmijj —ox tee yoque.





Ox tpactama oot quij ox tee yoque:

—Hihamiigo ¿zo tooza? Yaza quih impoaax he cmesxö
—ox tee yoque.

Ox teema conteetxyat quij ox tee yoque:

—Ihahi. ¿Taax ziixah z isahii queeya? ¿Taax ziix az hant
isiip haaya? Taaxo cötquimöjc ox tcoozaha. Haaho quih it hapx
caap coox cah pti icx popaquim spacotim ha teque hiz
cömiihca —ox tee yoque conteetxyat quij.



Ox tpactama oot quij ox tee yoque:

—Ox popactatax ihpsojox haahi —ox tee tojox yoque.

Ziix cop aa ihacoxl iti hapx iqui tpanzx yoque.





Hapx iqui tpaznx toii ntitama xajii hantaxlaa cahca pac toc
cötahcama taax contita toii ntita yoque conteetxyat quij. Oot
quij hipí xah quiho cah cöitaasitim yoque oot quij. Cöitaasitim
toii ntiya.